

USKOK podigao optužnicu zbog organizovanja prostitucije I djevojke iz BiH u “poslu” od 63.000 eura

Prostitucija dogovarana preko mobilnih telefona sa njemačkim pozivnim brojevima, a klijentima djevojke bile na raspolaganju po cijeni od 60 do 250 eura

Hrvatska Kancelarija za suzbijanje korupcije i organizovanog kriminala (USKOK) podigla je danas optužnicu protiv petorice pripadnika međunarodne grupe, koja je od jula prošle godine angažovala više djevojaka iz Hrvatske, Srbije i BiH radi prostitucije u Njemačkoj.

Grupu je povezoao njemački državljani Darko Z. (51), koji je u više gradova organizovao “posao”, a dio zarade od 63.000 eura, koji su djevojke poslale organizatoru, svodnici su međusobno dijelili.

Organizatori lanca prostitucije prethodno su napravili foto-



grafije i smislili kodna imena djevojaka koje su objavljivali na internet-stranicama i oglasima. Oni su potencijalnim klijen-

tima omogućili upoznavanje sa djevojkama privatnim online vezama.

Članovi grupe su prostituciju

dogovarali preko mobilnih telefona sa njemačkim pozivnim brojevima, a nakon dogovorene vrste seksualne usluge, cijene i termina, klijente, kojih je navodno bilo najmanje 2.000, upućivali su u hotele i apartmane, gdje su im djevojke bile na raspolaganju po cijeni od 60 do 250 eura.

USKOK traži da se protiv organizatora lanca produži istražni zatvor u kojem se nalazi od kraja januara kada je zagrebačka policija u saradnji sa njemačkom policijom, kao i Agencijom za istrage i zaštitu BiH razbila tu zločinačku grupu.